

քանզի խանն որ 'ի ներքոյ վանաց Բեթղեհէմի, յափշտակեալ այլազգի գիւղականաց արարեալ էին զայն իջեալ նստեղի հասարակաց, թէպէտեւ Գրիգոր Պատրիարք յառաջագոյն բազում նեղութեամբ և տառապանօք ազատեալ էր զայն 'ի ձեռաց նոցա, և շինեալ 'ի վերայ նորա սենեակս 'ի բնակութիւն ուխտաւորաց, նորոգեալ էր նաեւ զաւերեալ և խախտեալ սենեակս 'ի վերայ երկաթի դրան վանաց: Եւ այս ամենայն շինութիւնք և նորոգութիւնք լեալ էին յայնժամ Կայսերական հրովարտակաւ եւ դատաստանական գրովք եւ մանրամասն քննութեամբ դատաւորին և այլազգեաց՝ (1621) . որպէս գրեցաք 'ի նախընթաց գլուխսդ, և լեալ էր պատուէր և հրաման չնեղել այլազգեաց զՊատրիարքն և զմիաբանութիւնն, վասն այնր շինուածոց: Սակայն յանցանել ժամանակաց և 'ի փոփոխիլ դատաւորաց եւ կուսակալաց, 'ի մոռացօն լինէին գրեանքն . և չհամարեալ ինչ զնոսա, պէսպէս հնարիւք և խարխուլութեամբ հանէին զայլ հրաման, և նոքօք բռնանային 'ի վերայ վանաց, և պահանջէին զգումարս դրամոց, և երբեմն նոյն իսկ կուսակալն Դամասկոսի, Բդեշխ և դատաւորն Երուսաղէմի, եւ այլք . ոմանք թէ առանց հրամանի շինեալ էք, ոմանք աւելի քան զհրամայեալն . այլք զայլ իմն սնոտի պատճառս յօդերով պահանջէին զինչս և տաքնապէին զՊատրիարքն և զմիաբանս մինչեւ հոգիս լինել ապաստան: Չկարացեալ զդէմ ունել բռնութեանց և հանդուրժել տառապանաց՝ խորհէին թողուլ և լքանել միանգամայն զշինուածս և զվանօրայս և մեկնիլ 'ի քաղաքէն, թերեւս չահիլ զկեանս իւրեանց: Ստեկայն կարի ծանր և դժուարին թուեցաւ այս խորհուրդ Գրիգորի Պատրիարքի, զի չէր զիւրին այնքան դառն աշխատութեամբ, քրտամբք վաստակօք և մեծամեծ ծախիւք զարդիւնս դարաւոր իրաւանց . 'ի միում առուր մատնել 'ի ձեռս անողոք թըշնամեաց, որոց բերանաբաց սպասեալ կային: Չմտաւ ածէր Գրիգոր չկորուսանել զքսանամեայ վաստակս, և լինիլ առակ նշաւակի առաջի օտարաց . այլ տեսանէր զինքն մերկացեալ 'ի գոյլց, և տառապանքն զօրացեալ առաւել քան զկար իւր: Սակայն 'ի բաց եթող առ ժամն զաւտանջ ծովս խորհրդոց իւրոց, չօքաւ առ դատաւոր քա-